

# Mora

Si sente in ogni fiera  
Dinù in ogni caffè  
Si sente in Corsica intera  
Stu ghjocu più vechju chè mè  
Anzianetti è zitelloni  
A mez'à duie paghjelle  
Stinzanu li so ditoni  
Mughjendu à piene cannelle.

Una sera ind'un paese  
Sò ghjuntu chì c'era a festa  
Ancu in celu e stelle appese  
Hanu pisatu l'arrechja  
Vistu chì c'era un rimore  
Di vucione chì cullava  
Dapoi più di trè ore  
Tuttu u mondu à sente stava.

Stu ghjocu tradiziunale  
Pocu à pocu ripiglia fiatu  
Da Barbaghju à l'Ospedale  
Passendu per Girulatu  
Si sente in ogni fiera  
Dinù in ogni caffè  
Si sente in Corsica intera  
Stu ghjocu più vechju chè mè.